

Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CHRISTO CAPITE|| TOTIVS ECCLESIAE,|| QVINQVE LIBRIS|| explicata.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

Cap. I. Explicatur breuiter secundum quam naturam Christus sit Mediator.

[urn:nbn:de:hbz:466:1-53845](https://nbn-resolving.de/urn:nbn:de:hbz:466:1-53845)



LIBER QVIN. T V S

DE CHRISTO.

Qui est de Mediatore, & eius merito.

C A P V T P R I M V M.

*Explicatur breuiter, secundum quam naturam
CHRISTVS sit Mediator.*



V A E S V P E R S V N T de Christo disputationes;
V N A, secundum quam naturam Christus sit
Mediator; A L T E R A, num tantum nobis, an
etiam sibi Mediator Christus aliquid suis ope-
ribus & laboribus promeruerit; quibus que-
stionibus explicandis postremum hunc librum, seu potius
libellum, dedicauimus.

Vt igitur a priore incipiamus, explicandum erit initio, quid
sit propriè Mediator. Vocamus MEDIATOREM cum, qui
inter aliquos dissidentes, aut certè non coniunctos mediū se
interponit, vt eos redigat ad concordiam, vel nouo fœdere
coniungat. Contingit autem hoc dupliciter: Primo, per sub-
stantialem aliquā mediationem: Secundo, per operationem.

P R I M O modo Christus dici potest Mediator, quatenus
personalitas eius coniunxit nouo & mirabili fœdere diuinā
& humanam naturam. Et licet de hac mediatione sāpē lo-
quuntur Patres, tamen non est ea, de qua nunc disputamus.
Nam de ista mediatione non est opus querere, secundum
quam naturam fiat. non enim sit secundum aliquam na-
turam, sed secundum personalitatem, quæ connectit duas na-
turās. Præterea, ista mediatio non est inter naturas dissiden-

ccc

tes: Nec enim vñquam Christi humanitas fuit contraria diuinitati. Nos autem loquimur de mediatione, qua Christus innocens Patri reconciliauit peccatores.

Omissa igitur substantiali hac mediatione, MEDIATIO, quæ in opere consistit, quatuor modis potest fieri.

PRIMO, discernendo & iudicando causam; quomodo arbitri dici possunt mediatores. Et hic primus modus tribuitur Christo ab Ambrosio in cap. 2. 1. ad Timoth. dicit enim Ambrosius, Christum factum à Deo arbitrum, iudicasse sic fieri posse pacem, si Deus primum ignosceret, & homo deinceps in Dei fide permaneret.

SECUNDO, referendo hinc inde pacta, & conditiones vniuersque partis, quo modo omnes internuncij dici possunt mediatores. Et in hac significatione videtur accipendum nomen Mediatoris, cùm Moses dicit Deut. 5. *Ego medium est sequester fui inter Deum & vos, in illo tempore.* Et Galat. 3. *Data est lex per Angelos in manu Mediatoris, id est, Mosis.* Et hic etiam modus Christo conuenit, qui annunciauit hominibus Dei voluntatem, & leges. Et propterea dicitur Malach. 3. *Angelus testamenti.* Et ad Hebr. 9. & 12. *Mediator noui testamenti.* Vbi Paulus alludit ad Mosen, qui fuit Mediator testamenti veteris.

TERTIO, orando & supplicando vni parti pro altera. Id quoq; conuenit Christo, qui Rom. 8. dicitur, *Interpellare pro nobis.* Et 1. Ioan. 2. dicitur, *Aduocatus noster.*

QUARTO, soluendo & satisfaciendo vni parti pro altera. Et hic modus mediationis propriissimè conuenit Christo, qui in tota Scriptura describitur, ut hostia pro peccato. Ideo 1. Tim. 2 postquam Apostolus dixerat: *Vnus Mediator Dei & hominum, homo Christus Iesus:* mox addit causam, dicens: *Qui dedit semetipsum redemtionem pro multis.* Et ideo etiā Rom. 8. & 1. Ioan. 2. vbi dicitur Christus aduocatus & interpellator apud Dēū pro nobis; non dicitur vñus aduocatus, aut interpellator, quia etiā alij interpellant pro nobis. Nec solus ipse Mediator fuit per modum arbitri seu internuncij, sed etiam Moses. At solus ipse pro nobis soluit, nosq; proprio sanguine Deo reconciliauit.

Itaque tres modi priores mediationis communes sunt Christo cum aliis; quartus propriè soli Christo conuenit.

Cc 3 Hoc

Hoc tamen loco de omnibus modis potest intelligi quæstio nostra, qua inuestigamus, secundum quam naturam Christo conueniat Mediatoris officium.

EST AVTEM sententia communis Catholicorum, ipsum quidem Mediatorem, siue vt Theologi loquuntur principium, quod operabatur opera Mediatoris, non fuisse Deum solum, vel hominem solum, sed utrumq; simul, hoc est, Verbum incarnatum, siue Deum humanatum. Principium tamen, quo illa opera à Mediatore ferebant, fuisse naturam humanam, non diuinam. Tametsi enim Deus incarnatus erat, qui orabat, patiebatur, obediebat, satisfaciebat: tamen hæc omnia faciebat secundum formam serui, nō secundum formam Dei. Atque hæc est sententia Magistri in 3. d. 19. prope finem, sancti Bonaventurae ibidem, art. 2. quæst. vult. & ceterorum Theologorum in eadem distinctione, nec non sancti Thomæ 3. p. q. 26. art. 2.

Repugnant huic sententiæ hoc tempore duo contrarij inter se errores, quorum vnuus ad Nestorianismum, alter ad Eutychianismum deflectit. Vtrumque paucis, Deo iudicante, refellemus.

C A P V T II.

Refutatur error Staneari de Mediatore.

RROR prior est Francisci STANCARI, qui ita soli homini Christo tribuit officium Mediatoris, vt non videatur suppositū diuinum requirere villo modo, nec saltem vt principium quod illius operis. Videretur quidem Franciscus Stancarus in multis locis rectè sentire. in libro enim de Trinitate & Mediatore contra Tigurinos; & in alio libro eiusdem argumenti contra Calvinum; & in examine Pinczouianoru; & in libro alio de officio Mediatoris; & in alio libello de particula TANTVM, sepius repetit, Christi personam constare ex duabus naturis, diuina & humana; & in libro contra Tigurinos circa finem, profitetur se sequi doctrinam Magistri sententiarum, & Scholarum: ac de Magistro ita honorisè loquitur, vt eum omnibus sectariis anteponat: *Plus valet, inquit, Ennius Petrus Lombardus, quam centum Lutheri, ducenti Melanchthoni,* per centum